

Annertuumik innarluutillit ikiorserneqartarnerat pillugu Inatsisartut peqqussutaata allanngortinneqarneranik Inatsisartut peqqussutaat

§ 1

Annertuumik innarluutillit ikiorserneqartarnerat pillugu Inatsisartut peqqussutaanni nr. 7-imi 3. november 1994-imeersumi Inatsisartullu peqqussutaatigut nr. 13-ikkut 31. oktober 1996-imeersukkut makku allannguutigittinneqassapput:

1. § 3, *imm.* 1, ima. oqaasertalerneqassaaq:

"Inuit 63-it inorlugit ukiullit Kalaallit Nunaanni aalajangersimasumik najugaqartut, eqqarsartaatsimikkut timimikkulluunniit annertuumik innarluuteqarnertik pissutigalugu immikkut iki-orserneqarnissamik pisariaqartitsisut peqqussummi matumani malittarisassat tunngavigalugit ikiorserneqarsinnaapput."

2. § 17-ip kingorna ikkunneqassaaq:

"§ 17a. Ulloq unnuarlu paaqqinniffiit Naalakkersuisunut ukiumoortumik nalunaaruteqartassapput. Naalakkersuisut kingusinnerpaamik Inatsisartut upernaakkut katersuunneranni Inatsisartunut ataatsimoortumik ukiumoortumik nalunaaruteqartassapput.

Imm. 2. Ukiumoortumik nalunaarusiap tunniunnissaa, ilusissaa imarisassai il.il pillugit tunaartarisassanik Isumaginninnermut Suliffeqarnermullu Naalakkersuisoq aalajangersaassaaq."

§ 2

"Peqqussut manna 1. juli 2000 atortuulersinneqarpoq. § 17a tunngavigalugu ukiumoortumik nalunaaruteqartarnek siullermeertumik pissaaq ukioq 2001."

Namminersornerullutik Oqartussat, ulloq 23. maj 2000

Jonathan Motzfeldt

/

Jørgen Wæver Johansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut